

Lou talhur è lous quotate toupis 03 (Reclams 1977)

Lou choès acabat, lou noutari qu'àuri lous quotate toupis... e que-y-abou de drôlles de susprèses. Lou permé quère sounque ple – e bourrat – de lard e que pourtabe aqueste papèrot : « Ta tu, Pierre, qui as toustem abut lou cap au vente ! » Lou sègoun qu'esté ple de calhaus e de cimen : « Ta tu, Lucien, qui as negligiat lous tos parens permou de ha muralhes è cimen ! »

Lou trèsaù que contienè de grans tros de guit... e aqueste prose plà bèroy troussade : « Àu qui a tan aymat e seguit la pouralhe, que lèchi aqueste toupis. Lous alirots que y soun à l'entour. Las coèches au miey e lous caps au cu ! Lou toupis qu'éy drin coum tu, Bastiste : ù artiste ! » E lou darrè ?

Ah ! lou darrè qu'abou ço qui brigue n'atendè ! Au houns deu soû toupis, ù arpat de papès de banque ! De que croumba-s ù castèt ! E aqueste papèrot : « Ta tu qui as tan bèroy soégnat à ta may e à tou pay ! Si bos encoère estudia ta curè, aci que troubaras lou toû dinèrè ! E si ù dia pujes ta l'autà que sabèras que la toe permere misse que sera dite sus lou sang, las sudous, las larmes e las umiliacious d'ù omi qui, à soubres de cops de cisèu e de pics d'agulhe, s'a méritat d'abè hèyt dab ùe may ibrougne èu corps d'omi capable de remplaça e de ha lou corps de Diu. Adiu ! Merci ! E ta batlèu !

Quin counchè de pla lous sos hilhs aquet talhur !

LOU MOULIE DE HOUN-BARRADE